

# ჩემი გაზეთი

ბალდათის მუნიციპალიტეტი, ა. (ა.) ი. კ. ინფორმაციის, ეთნოკულტურისა და ტურიზმის განვითარების ფონდი

## ფინანსური ლიზინგი

როგორც ცნობილია, ბალდათის მუნიციპალიტეტის გამგეობამ ფინანსური ლიზინგის დახმარებით ახლახან შეიძინა სამი ერთეული ტექნიკა: გრეიდერი, ტრაქტორი და დამტკეპნი. ამან დიდი ვნებათაღელვა გამოიწვია სოციალურ ქსელში. ამ თემით „ჩემი გაზეთის“ გუნდი დაინტერესდა და გადაწყვიტა გასაუბრებოდა მუნიციპალიტეტის გამგებელს – ბატონ ირაკლი გვამყვიანს საკითხის არსში უკეთესი და მოსახლეობამდე სწორი ინფორმაციის მიტანის მიზნით.

ფინანსური ლიზინგი ლიზინგის ერთ-ერთი ფორმაა, რაც ინგლისური სიტყვის „ლესე“-ის შინაარსიდან გამომდინარე ხელშეკრულებას გულისხმობს, რომლის საფუძველზეც ერთი მხარე მეორესგან იღებს აქტივს როგორც მატერიალურს, ასევე არამატერიალურ სარგებლობაში. ფინანსური ლიზინგის შემთხვევაში ლიზინგის მიმწოდებელი გამოყოფს ფინანსურ სახსრებს ლიზინგით მოსარგებლისთვის აქტივების შესაძენად, მათ შორის, მაგალითად, ტექნიკის. ლიზინგით მოსარგებელი თვითონ ირჩევს ლიზინგის საგანს და განკარგავს მას ხელშეკრულების მოქმედების მთელი პერიოდის განმავლობაში. ლიზინგის მიმწოდებელი აქტივის ღირებულების ანაზღაურებისა და ასევე თავისი პროცენტული ინტერესის მიღების შემდეგ, აქტივს გადასცემს საკუთრებაში ლიზინგით მოსარგებელს.

მსოფლიო ეკონომიკურ და განსაკუთრებით ფინანსურ პრაქტიკაში ლიზინგი ძალზე გავრცელებული ფორმაა, რაც ყოველმხრივ მომგებიან და ეფექტურ ოპერაციად ითვლება, ვინაიდან ლიზინგის მიმწოდებელი, მიუხედავად სახსრების უქონლობისა, წინასწარ იღებს იმ საგანს, რომელიც მას სჭირდება თავის საქმიანობისთვის. გამყიდველი კი ყიდის თავის პროდუქტს და სესხითა თუ განვადებით გადაცემისგან განსხვავებით სრულად იღებს ანაზღაურებას. ლიზინგის მიმწოდებელი კი მათ შორის მედიატორის როლში გამოდის და თვითონაც იღებს მოგებას პროცენტული ანაზღაურების სახით.

ბალდათის მუნიციპალიტეტმა ფინანსური ლიზინგის დახმარებით შეიძინა სამი ერთეული ტექნიკა: გრეიდერი, ტრაქტორი და დამტკეპნი. პირდაპირი წესით ამ ტექნიკის შეძენა შესაძლებელი იქნებოდა მხოლოდ სამი წლის განმავლობაში სათანადო ფინანსების დაგროვებით, ან თითო წელს თითო ტექნიკის შეძენით. რეალურად სამი წლის განმავლობაში შეუძლებელი იქნებოდა შიდა გზების მოვლა-პატრონობა სათანადო დონეზე კომპლექსურად - ცალ-ცალკე თითოეული ტექნიკის გამოყენება ფაქტობრივად შედეგს ვერ მოგვცემდა.

ტენდერით ტექნიკის დაქირავებისა ან კონტრაქტორის მომსახურებით სარგებლობის შემთხვევაში შესასრულებელი სამუშაოების ღირებულება ორჯერ და მეტჯერ იზრდება. საკუთარი ტექნიკა საშუალებას აძლევს მუნიციპალიტეტს მოთხოვნის მიხედვით მობილურად განახორციელოს სამუშაოები: პირველ რიგში ყველაზე ძველ

მონაკვეთებზე მიმართოს ძალისხმევა, მაგრამ შეუძლია, საჭიროების შემთხვევაში, შეწყვიტოს სამუშაოები და სხვაგან გადაიყვანოს ტექნიკა, როდესაც კონტრაქტორი ასეთი მობილურობას ვერ უზრუნველყოფს. ამასთანავე, როგორც წესი, ტექნიკა, რომელსაც დროებით აქირავებენ ან რომელიც კონტრაქტორები სარგებლობენ, ძალზე ამორტიზირებულია და ხშირად გამოდის მწყობრიდან.

ფინანსური ლიზინგის გაფორმებისას პირველადი შენატანისა და შემდგომში გადასახდელი თანხების მობილიზებისას, მუნიციპალიტეტის გამგეობა მთლიანად გამოიყენებს საკუთარ შემოსავლებს და დაზოგილ თანხებს, რაც იმის გარანტიას იძლევა, რომ ლიზინგის ხელშეკრულების აღსრულებას საფრთხე არ დაემუქრება და საბოლოო ჯამში, ვადის ამონურვის შემდეგ, ტექნიკა გამგეობის საკუთრებას გახდება. მიუხედავად იმისა, რომ ფორმალურად ტექნიკა დღეს სალიზინგო კომპანიის საკუთრებად რჩება, ის მთლიანად გამგეობის განკარგულებაშია და მუშაობს ყოველგვარი შეზღუდვების გარეშე. ამასთანავე, გარანტიის ფარგლებში, სალიზინგო კომპანია უზრუნველყოფს მის საგარანტიო მომსახურებას.

დასკვნის სახით შეიძლება ითქვას, რომ ჩვენი გამგეობის პიონერული ინიციატივით, უახლოესი წლების განმავლობაში სულ ახალი, თანამედროვე ტექნიკის საშუალებით შესაძლებელი გახდება მთლიანად



მოხდეს შიდა საუბნო გზების რეაბილიტაცია, ჩატარდეს კიუვეტებისა და არხების მოწყობა-განმენდის სამუშაოები და ასევე ოპერატიულად მოხდეს სტიქიის შედეგად წარმოქმნილი ჩამონაშალებისაგან გზების განმენდა. ასევე შეეძლება დასაქმდა და რამდენიმე ოჯახს შემოსავალი გაუჩნდა.

ისეთი სერვისით სარგებლობა, როგორცაა ფინანსური ლიზინგი, ადასტურებს ჩვენს გადახდისუნარიანობას, მუნიციპალიტეტის ფინანსურ სიჯანსაღეს და შესაძლებლობას იძლევა მოზიდულ იქნას უფრო მეტი კერძო ინვესტიციები მუნიციპალიტეტში.

მარიამ ოძროჭელიძე



„ჩემი გაზეთის“ გუნდი ბალდათის მუნიციპალიტეტში 2015 წლის შესრულებული სამუშაოების, ბიუჯეტის დაგეგმვის, გამგეობისა და საკრებულოს მუშაობის, 2016 წლის გეგმებსა და სხვა საკითხებზე სასაუბროდ საკრებულოს თავმჯდომარეს ბატონ ბრიგოლ მანჩიტაძეს გავესაუბრეთ.

## ინტერვიუ საქართველოს თავმჯდომარესთან

– გვესაუბრეთ როგორ ხდება წლის სამუშაოს დაგეგმვა.

– მუნიციპალიტეტის საკრებულოს მთავალი წლის სამუშაო გეგმა საკრებულოს სხდომაზე მტკიცდება წლის ბოლოს. სამუშაო გეგმის შედგენისას, ძირითადად, გზამკვლელობით იმ პრიორიტეტებით, რომელიც მუნიციპალიტეტს აქვს განსაზღვრული განსახორციელებლად. ის მოიცავს ინფრასტრუქტურული, სოციალური, სკოლამდელი განათლებისა და ახალგაზრდობის პრობლემების მოგვარებისათვის საჭირო საკითხებს. მიმდინარე წელს დაგეგმილია 21 საკითხის განხილვა, მათი მომზადება წარმოებს გამგეობის სამსახურებისა და საკრებულოს კომისიების ერთობლივი მუშაობით, ხოლო მომზადების მიმდინარეობას აკონტროლებს საკრებულოს აპარატი.

– რა საკითხები შემოგთავაზათ 2015 წელს გამგეობამ დასამტკიცებლად და თქვენთვის რომლები იყო პრიორიტეტული? წლის ბოლოს ხომ არ გამოიკვეთა განსხვავებული საკითხები, რომლებიც პრიორიტეტულ პროექტთა სიაში არ იკავებდა ადგილს.

– პირველ რიგში უნდა მოგახსენოთ, რომ გამგეობის მიერ საკრებულოსათვის წარმოდგენილ საკითხებს დიდ ყურადღებას ვაქცევთ, მათი განხილვა, პირველ ყოვლისა, ხდება შესაბამის კომისიებში, რის შემდეგ მოსასმენად გადის საკრებულოს სხდომაზე. გამგეობის მხრიდან პრიორიტეტების გეგმა ახლავს იმ წლის ბიუჯეტის პროექტს, რომელიც წლის ბიუჯეტის მტკიცდება საკრებულოს სხდომაზე. მასში მკაფიოდ არის განსაზღვრული სოციალური თუ ინფრასტრუქტურული პროექტები, რომელთა განხორციელებასაც აპირებს მუნიციპალიტეტის გამგეობა მომავალი წლისათვის. ასეთი პრიორიტეტების დოკუმენტი დამტკიცებული იყო 2015 წლისათვისაც. თუმცა წლის განმავლობაში წარმოიშობა ხოლმე ისეთი საკითხები, რომელთა ოპერატიული გადაწყვეტა მუნიციპალიტეტისათვის სისხლხორცული საქმეა. ასეთად შეიძლება ჩაითვალოს ლიზინგის თემა, რის გამოც გამგეობამ და საკრებულომ ოპოზიციის მხრიდან უამრავი კრიტიკა მივიღეთ. საქმის კეთებას, რაოდენ სასიკეთო საქმეც უნდა იყოს იგი, ყოველთვის მოჰყვება აზრთა სხვადასხვაობა. ამიტომ, არც ერთმა ხელისუფალმა უარი არ უნდა თქვას ისეთი გადაწყვეტილების მიღებაზე, რომელიც მუნიციპალიტეტსა და მის მოსახლეობას დადებითად წაადგება. გამგეობამ ჩათვალა, მუნიციპალიტეტში არსებული ინფრასტრუქტურის მოწესრიგებისათვის აუცილებელი იყო სპეცტექნიკის

შეძენა, რომელიც საშუალებას მოგვცემდა მცირე დანახარჯებით მიგველო უფრო მაღალი ეფექტი და სერიოზულად შეგვძლებოდა მუნიციპალიტეტის ბალანსზე რიცხული გზებისა და სხვა ნაგებობების ოპერატიული და ხარისხიანი შეკეთება. ვინაიდან მუნიციპალიტეტის ბიუჯეტს აღნიშნული ტექნიკის შესაძენად მთლიანი თანხა არ გააჩნდა, მუნიციპალიტეტის გამგეობა შემოვიდა საკრებულოში წინადადებით, მიგვეცა გამგებლისათვის თანხმობა გამოეცხადებინა ტენდერი და ტენდერში გამარჯვებულ იურიდიულ პირთან გაეფორმებინა სალიზინგო ხელშეკრულება. საკრებულომ მიზანშეწონილად ჩათვალა ხმათა უმრავლესობით დათანხმებოდა გამგეობის წინადადებას. დღეს ტექნიკა მიღებულია და აქტიურად მუშაობს სოფლებში ადგილობრივი საუბნო გზების მოსანერვილებლად.

– გვესაუბრეთ 2016 წლის ბიუჯეტზე.

– ადგილობრივი თვითმმართველობის ბიუჯეტის დამტკიცება საკრებულოს ერთ-ერთი უმთავრესი უფლებამოსილებაა და მის განხილვაში საკრებულოს ყველა წევრი აქტიურადაა ჩართული. გამგეობამ 2016 წლის ბიუჯეტის პროექტი საკრებულოში კანონმდებლობით დაცულ ვადებში წარმოადგინა. საკრებულოს საფინანსო საბიუჯეტო კომისიამ განიხილა იგი და უმნიშვნელო შენიშვნებით დაუბრუნა გამგეობას, ხოლო მათ მიერ საბოლოოდ შესწორებული ვარიანტი დამტკიცებული იქნა 2015 წლის 25 დეკემბრის სხდომაზე.

2016 წლის ბიუჯეტის საშემოსავლო ნაწილში, წინა წლებთან შედარებით, არის გარკვეული ცვლილება. ეს, უპირველეს ყოვლისა, ეხება საშემოსავლო გადასახადს, თუ კი წლების განმავლობაში საშემოსავლო გადასახადი მხოლოდ ცენტრალური ბიუჯეტის შევსების წყარო იყო, 2016 წლიდან მისი ნაწილი რჩება თვითმმართველობის ბიუჯეტში. მიმდინარე წლისათვის აღნიშნული გადასახადის სახით დაგეგმილია 500 ათასი ლარის მობილიზება.

2016 წლის ბიუჯეტის დამტკიცებული პირველადი ვარიანტი 300 ათასი ლარით აღემატება 2015 წლის დამტკიცებული ბიუჯეტის პირვანდელ ვარიანტს. სიტყვა „პირვანდელი ვარიანტი“ აქ შემთხვევით არ არის გამოყენებული, რადგანაც ბიუჯეტი მტკიცდება დეკემბრის თვეში და ამაში გათვალისწინებული არ არის სხვადასხვა ინფრასტრუქტურული პროექტები და სოფლის პროგრამებისათვის გათვალისწინებული და-

გაგრძელება მე-2 გვ.

დასაწყისი 1 33.

ფინანსება, რომელიც წლის დასაწყისისათვის მთავრობის დადგენილებით გამოეყოფა მუნიციპალიტეტს და მხოლოდ ამის შემდეგ აისახება ადგილობრივ ბიუჯეტში. მიმდინარე წლისათვის ამ მიმართულებითაც სერიოზული წინსვლაა, როგორც ინფრასტრუქტურული პროექტებისათვის, ასევე სოფლის პროგრამებისათვის გათვალისწინებულ დაფინანსებაში.

2016 წელს რომელი პრიორიტეტული საკითხები გამოიკვეთა და შარშანდელთან შედარებით რა საკითხებია განსხვავებული?

2016 წელს მუნიციპალიტეტის ძირითადი პრიორიტეტებია:

- მუნიციპალური გზების რეაბილიტაცია.
- მუნიციპალიტეტის კომუნალური ინფრასტრუქტურის განვითარება.
- მუნიციპალიტეტის კეთილმოწყობის ღონისძიებების განხორციელება.
- სკოლამდელი განათლების ხელშეწყობა.
- სპორტული და კულტურული ღონისძიებების ხელშეწყობა.
- სოციალური პროგრამების დაფინანსება.

მართალია, საკმაოდ ამბიციური ჩამონათვალია, მაგრამ, შემძლია თამამად ვთქვა, რომ გზების მშენებლობის კუთხით ბაღდათის მუნიციპალიტეტის ტერიტორიაზე საკმაოდ პროექტები განხორციელდა, რომელთა დასრულება ახლაც მიმდინარეობს. ამ მხრივ ცალკე აღნიშვნის ღირსია ქალაქის ტერიტორიაზე განხორციელებული 17 ქუჩის რეაბილიტაციის პროექტი. როგორც აღვნიშნე, მიმდინარეობს შიდა გზების რეაბილიტაცია საკუთარი ტექნიკის დახმარებით. ამჟამად სამუშაოები ტარდება პირველ და მეორე ობჟის ტერიტორიაზე, უახლოეს პერიოდში ხანსა და სხვა სოფლებშიც მოწესრიგდება.

ცალკე უნდა გამოვყოთ საბავშვო ბაღების საკითხი. გასულ წელს რეაბილიტაცია ჩაუტარდა 5 საბავშვო ბაღს, რაზეც დაიხარჯა თითქმის ნახევარი მილიონი ლარი. მიმდინარე წელს კი დაგეგმილია აშენდეს 5 ახალი საბავშვო ბაღი. აღნიშნული მშენებლობა განხორციელდება მუნიციპალური განვითარების პროექტით და დაიხარჯება ერთ მილიონ ლარზე მეტი. უნდა აღინიშნოს, რომ მუნიციპალიტეტში განსახორციელებელი პროექტების თანადაფინანსებისათვის მიმდინარე წელს პირველად გამგეობის მიერ გამოყოფილი იქნა 500 ათასი ლარი,

რამაც მოგვცა საშუალება, რომ დამატებითი პროექტი დაფინანსებულიყო მუნიციპალიტეტში.

როგორ ხდება გამგეობის საქმიანობის მონიტორინგი. როგორ შეაფასებთ გამგეობის 2015 წლის მუშაობას, (რა სამუშაოები დარჩა 2015 წელს შეუსრულებელი, ასეთის არსებობის შემთხვევაში როდის მოხდება პრობლემის მოგვარება).

გამგეობის საქმიანობის მონიტორინგი საკრებულოს მიერ ძირითადად ხორციელდება შესაბამისი კომისიების მეშვეობით. საკრებულოს კომისიები თავიანთი სამუშაო გეგმიდან გამომდინარე ანარმობენ გამგეობის სამსახურების საქმიანობის ანგარიშების მოსმენასა და შედეგებიდან გამომდინარე აკეთებენ შესაბამის დასკვნებს. ცალკეული სამსახურების ანგარიშების მოსმენა ხდება საკრებულოს სხდომებზე. მარტის თვეში მოხდა 2015 წლის ბიუჯეტის შესრულების ანგარიშის მოსმენა, როგორც საფინანსო საბიუჯეტო კომისიის, ისე საკრებულოს სხდომაზე. რაიმე სერიოზული შენიშვნები საკრებულოს წევრების მიერ არ გამოთქმულა. ასევე წლის ბოლოს იქნა განხილული გამგეობის ჯანმრთელობისა და სოციალური საკითხთა სამსახურის ანგარიში. ამჟამად

მზადდება გამგეობის მიერ ჩატარებული ინვენტარიზაციის მასალების შესწავლა საკრებულოს სხდომაზე განსახილველად.

2015 წელს გამგეობის ანგარიში მოსმენილი იქნა საკრებულოს გასული წლის სხდომაზე და მასში მონაწილეობას იღებდნენ, როგორც სამსახურების ხელმძღვანელები, ასევე გამგეობის მიერ დაფუძნებული იურიდიული პირები, საზოგადოების წარმომადგენლები. ვფიქრობთ, გამგეობის ანგარიშის განხილვა წელსაც ასეთი მამატებით ჩავატაროთ, რომ საზოგადოების წარმომადგენლებს მიეცეთ შესაძლებლობა პირადად მიიღონ ინფორმაცია მუნიციპალიტეტის პირველი პირიდან, და იქვე დასვან კითხვები მათთვის საინტერესო საკითხებზე.

როგორც ვხედავთ, მიმდინარე წელი საკმაოდ დატვირთულია, როგორც ინფრასტრუქტურული პროექტებით, ასევე პოლიტიკური კუთხითაც, ოქტომბერში ხომ საპარლამენტო არჩევნებია დანიშნული.

იმედი მაქვს, საკრებულოს და გამგეობის ერთობლივი მუშაობა კარგ შედეგს მოგვცემს, რომელიც წაადგება, როგორც ხალხს, ასევე ხელს შეუწყობს ბაღდათის მუნიციპალიტეტის წინსვლას.

ანა ქორიძე

15-16 მარტს გაიმართა შეხვედრა იმერეთის სამხარეო განვითარების პროგრამის ბავშვთა დაცვის ჯგუფთან, რომელიც ბაღდათის მუნიციპალურ დონეზე შედგა. ინიციატივა ეფუძნება ბავშვთა დაცვისა და ადვოკატირების კონცეფციას, რომელიც მოისაზრებს ოთხ ძირითად ინტერვენციას: 1) თემის მობილიზება და ცნობიერების ამაღლება; 2) რეპორტირებისა და რეფერირების მექანიზმების გაძლიერება; 3) მონყვლადი ოჯახების მხარდაჭერა; 4) ბავშვთა სასიცოცხლო უნარებისა და მდგრადობის უზრუნველყოფა.



დავისვათ, ბავშვები!

ბავშვთა დაცვისა და ადვოკატირების ჯგუფი აერთიანებს როგორც ფორმალურ, ასევე არაფორმალურ სტრუქტურებს, რომლის მიზანია ამაღლოს ცნობიერება ბავშვთა დაცვის საკითხებზე, გააძლიეროს რეფერირების სათემო მექანიზმები ბავშვთა ინტერესების დასაცავად, დაეხმაროს ყველაზე მოწყვლად ბავშვებსა და ოჯახებს. ბავშვთა დაცვისა და ადვოკატირების ჯგუფის წევრები წარმოადგენენ სხვადასხვა სტრუქტურებს (ადგილობრივი მუნიციპალიტეტი, ადგილობრივი საგანმანათლებლო დაწესებულებები, მეურვეობისა და მზრუნველობის ორგანო, ადგილობრივი პოლიცია, ადგილობრივი ეკლესია, ადგილობრივი დონეზე მომუშავე არასამთავრობო ორგანიზაციები, ახალგაზრდული ჯგუფები, მშობელთა ჯგუფები და ა.შ.), რომელთა საერთო მიზანსაც წარმოადგენს ბავშვის უფლებათა დარღვევის პრევენციისა და დაცვისთვის შექმნას მდგრადი სათემო რესურს ჯგუფი.

ის გამოვლენას მათი დახმარების მიზნით, ბავშვთა უფლებების დარღვევის ფაქტების და გარემოებების

გამოვლენას და სამხარეო ჯგუფის ინფორმირებას, წამოწვევს ბავშვთა დაცვის საკითხებს სამხარეო ჯგუფის წინაშე. ბავშვთა დაცვისა და ადვოკატირების სამხარეო ჯგუფი ეხმარება მუნიციპალურ ჯგუფს ბავშვთა უფლებების დარღვევების იდენტიფიცირებაში, მონყვლადი ჯგუფების გამოვლენაში, გამოვლენილი მოწყვლადი ბავშვების და ოჯახების მხარდაჭერაში, რესურსების მობილიზებაში და წარმოადგენს გადწყვეტილების მიმღებს ბავშვთა დაცვისა და ადვოკატირების ჯგუფის სტრუქტურაში.

ბავშვთა დაცვისა და ადვოკატირების სამხარეო ჯგუფი წარმოდგენილია შემდეგი შემადგენლობით: სახალხო დამცველის აპარატის რეგიონული დეპარტამენტის, იმერეთის, რაჭა-ლეჩხუმისა და ქვემო სვანეთის სამმართველოს უფროსი – მადონა ბასილაძე; იმერეთის სოციალური მომსახურების სამხარეო ცენტრის ფსიქოლოგი – ლალი ცხვედიანი; ქუთაისის განათლების, განვითარების და დასაქმების ცენტრის შ.შ.მ. ბავშვთა დღის ცენტრების კოორდინატორი - ნინო გელაშვილი; საქართველოს ახალგაზრდა იურისტთა ასოციაციის ქუთაისის ფილიალის პროგრამების დირექტორი – ნოდარ ჯიქია; სოციალური მომსახურების სააგენტოს ბაღდათის რაიონული განყოფილების სოციალური მუშაკი – ელენე ჩხ-

ვიძე; ბაღდათის მუნიციპალიტეტის შრომის, ჯანმრთელობის და სოციალური დაცვის სამსახურის უფროსი – ლიანა გიორგიძე; ბაღდათის მუნიციპალიტეტის ინკლუზიური განათლების სპეციალისტი – ნატო დოგრაშვილი; შ.ს.ს. იმერეთის, რაჭა-ლეჩხუმისა და ქვემო სვანეთის პოლიციის დეპარტამენტის, ბაღდათის რაიონული სამმართველოს უზნის უფროსი ინსპექტორ-გამომძიებელი, პოლიციის კაპიტანი – იოსებ მამუკაშვილი; ბაღდათის ა.ა.ი.პ. ბაგა-ბაღდათის გაერთიანების დირექტორი – ნინო გრძელიძე; ბაღდათის ა.ა.ი.პ. ბაგა-ბაღდათის გაერთიანების ინკლუზიური განათლების



სპეციალისტი – თამარ კიკნაველიძე; ბაღდათის მუნიციპალიტეტის საგანმანათლებლო რესურსცენტრის კოორდინატორი – ნინო მშვილდაძე; INER ჯორჯიას ქუთაისის ფილიალის მთავარი მეთოდისტი – ნინო ჟღენტი; საზოგადოებრივი ჯანდაცვის წარმომადგენელი ბაღდათის მუნიციპალიტეტში – ნატო მაჩიტაძე; არასამთავრობო ორგანიზაცია „ახალგაზრდები საქართველოსთვის“ თავმჯდომარე – ია თევდორაძე; ვანი-ბაღდათის ეპარქიის არქიმანდრიტი მაკარი (აბესაძე).

ბაღდათის მუნიციპალიტეტის სოციალური დაჯანმრთელობის დაცვის სამსახურის უფროსი ლიანა გიორგიძე

განსხვავება

2016 წლის 13 ივნისს, 12:00 საათზე, ბაღდათის მუნიციპალიტეტის გამგეობის ადმინისტრაციულ შენობაში (მისამართი: ნერეთლის ქუჩა 9) გაიმართა ნაბლარი ჰეისის მშენებლობისა და ოპერირების პროექტის გარემოზე ზემოქმედების შეფასების (გზმ) ანგარიშის საჯარო განხილვა.

დაგეგმილი საქმიანობა ითვალისწინებს, მდინარე ნაბლარისწყალზე 24 მეგვტ სიმძლავრის ჰიდროელექტროსადგურის მშენებლობას და ექსპლუატაციას.

საზოგადოებრიობის წარმომადგენლებს დაგეგმილ საქმიანობასთან დაკავშირებული დოკუმენტაციის გაცნობის საშუალება ექნებათ შემდეგ მისამართებზე:

- ბაღდათის მუნიციპალიტეტის გამგეობის ადმინისტრაციულ შენობაში – ქ. ბაღდათი, ნერეთლის ქუჩა 9;
- შპს GeorgianGreenPower-ის ოფისში - ქ. თბილისი, ჭავჭავაძის გამზირი 34, პიქსელ ბიზნეს ცენტრი, მე-9 სართული;
- შპს „გამა კონსალტინგი“-ს ოფისში – ქ. თბილისი, გურამიშვილის გამზირი №17ა.

საზოგადოებისაგან საკუთარი მოსაზრებების წარმოდგენის ვადაა განცხადების გამოქვეყნების დღიდან 45 დღე.

შპს Georgian Green Power-ის ადმინისტრაცია

სოციალური სამსახურის კეთილი ხელმძღვანელი

ჩვენი ქვეყნის გონივრული გადარწმუნებულებაა ევროპული ორიენტაცია, რაც ხალხის კეთილდღეობის უფრო გაუმჯობესებას ისახავს მიზნად. მთავრობის ერთ-ერთი მნიშვნელოვანი საზრუნავი არის ჩვენი ხალხის ჯანმრთელობის მდგომარეობის გაუმჯობესება, მათი სოციალური მდგომარეობის უზრუნველყოფა. ამ მიზნით საგრძნობლად შეიმჩნევა პოზიტიური ძვრები შრომის, სოციალური და ჯანმრთელობის წინსვლის საქმეში. სწორედ აღნიშნული საკითხების სრულფასოვნად მოგვარებისათვის გამგეობაში შექმნილია სოციალური სამსახური.

ჩვენი მუნიციპალიტეტის სოციალური სამსახური ამ მიმართულებით მთელი პასუხისმგებლობით ეკიდება თავისი მოვალეობის შესრულებას. ამ სამსახურს ხელმძღვანელობს თავისი პროფესიის ერთგული, დინჯი და სრულფასოვანი პიროვნება ქალბატონი ლიანა გიორგიძე. ბევრისგან მომისმენია ამ პიროვნებისა და მისი სამსახურის თანამშრომლების პასუხისმგებლობის შესახებ. ბუნებრივია, ამ სამსახურს მიმართავენ ის პიროვნებები, რომელთაც სოციალური თვალსაზრისით თანადგომა სჭირდებათ. ისინი ეხმარებიან მათ. პრობლემის მოსაგვარებლად შეამდგომილობთ ხელმძღვანელობას მიმართავენ, თანხმობის შემთხვევაში, ყველაფერს ოპერატიულად აწესრიგებენ.

პირადად მე მომიხდა ამ სამსახურის შენახვა დის ჯანმრთელობის გაუარესების გამო და ვითხოვდი სათანადო დახმარებას. ქალბატონმა ლიანამ გულსყურით მომისმინა, მხარი დამიჭირა და, გამგეობის ხელმძღვანელების ნებართვით, მის დაქვემდებარებაში არსებულმა სოციალურმა სამსახურმა გამიწვია სათანადო დახმარება. მე დავინახე მათი უდიდესი გულსხმიერება, ყოველგვარი ანგარების გარეშე და ამისთვის პირადად ქალბატონ ლიანას და მის სამსახურს დიდ მადლობას ვუხდით. კვლავაც ვუსურვებ მათ პროფესიული ამოცანების შესრულების საქმეში წარმატებულ და ბედნიერ მომავლას.

როკითის საჯარო სკოლის ქართული ენისა და ლიტერატურის მასწავლებელი შოთა შორგოძე

# პეტიკონი მუხი



„ჩვენი გაზეთი“ გუნდი ეწვია სოფელ ვარციხის მკვიდრს – გენო ჩუბინიძეს, რომელსაც აქვს ყვავილების სანერგე მურნეობა. ბატონი გენო პროფესიით საზოგადოებრივი კვების ინჟინერ-ტექნოლოგია. მან თავისი საქმიანობა 90-იანი წლებიდან მცირე მურნეობით დაიწყო, დაახლოებით 3 წლის წინ გააფართოვა და, გარდა ყვავილებისა, მას ხეხილისა და ვაზის ნერგებიც გამოჰყავს.

ბატონი გენოს სათბურში შეხვედებით შემდეგ მცენარეებს: ვარდების სხვადასხვა სახეობას, ფინიკის პალმას, ბერძნულსა და ქართულ ბზას, კამელიას, ინდიკებს, დეკორატიულ ტუიებს, წიწვოვანი მცენარეების რამდენიმე სახეობას, მაგნოლიებს.

მას გამოყავს ვარდების რამდენიმე სახეობა: მინიატურული ვარდების დაახლოებით 10 ჯიშის, ეზოსა და დეკორატიული გამწვანების 20-მდე სახეობა, ეზოს ვარდების 5-მდე ახალი ჯიშის. ვარდების ეს უკანასკნელი სახეობა, ბატონი გენოს თქმით, მხოლოდ იმ კერძო სექტორებს შეიძლება ჰქონდეთ, რომელთაც მისგან შეიძინეს ნერგები.

ყვავილების ჯიშები, ძირითადად, მას საზ-

ღვარგარეთიდან გამოწერილი ჩამოაქვს, შემდეგ თავად ახდენს მათ ქართულ ჯიშებად გარდაქმნას. ყვავილების გამოყვანა ბატონი გენოს მურნეობაში ხდება კონტინენტური სისტემით: პირველ ეტაპზე ნერგი საჩითილეში გამოყავთ, რომელიც გადააქვთ ჯერ პატარა კონტინენტში, შემდეგ კი – დიდში.

გენო ჩუბინიძეს გამოყავს ასევე ვაზის ნერგი, კერძოდ, საადრეო სუფრის ყურძნის ჯიშის, რომელზეც დიდი მოთხოვნაა.

გარდა ყვავილებისა და ვაზის ნერგებისა, მურნეობაში ბატონ გენოს გამოყავს ხეხილის ნერგი. ჯერ ეს არ ხდება კონტინენტური სისტემით, თუმცა ის წელსვე გვემავს ხეხილის ნერგის ასეთი სისტემით გამოყვანას. ამ შემთხვევაში მყიდველს შეეძლება, წელიწადის ნებისმიერ დროს, შეიძინოს და დარგოს ხეხილის ამა თუ იმ სახეობის ნერგები.

ბატონი გენოს მურნეობაში გამოყვანილი ნერგების რეალიზაცია ხდება როგორც დასავლეთ, ასევე აღმოსავლეთ საქართველოში. უნდა აღინიშნოს, რომ ზურაბ შვედინაძეს თავისი გარდენიასთვის აქედან მიაქვს ყვავილების ნერგები. ასევე 2008–2009 წლებში 450 ძირი მსხლისა და ტყემლის სხვადასხვა ჯიშის შეიძინეს მისგან და დარგეს საგურამოში.

ბატონი გენო ჩუბინიძეს არანაირი სპეციალური განათლება არ მიუღია აღნიშნულ სფეროში. ეს მისი თვითნასწავლი პროფესიაა. ყველა დაგვეთანხმებით, რომ ასეთი მურნეობის შექმნისთვის დიდი შრომა და ცოდნა საჭიროა. ამ კარგ საქმეში ბატონ გენოს ოჯახის მხარდაჭერა აქვს. წარმატებებს ვუსურვებთ მას.

მარიამ შარვაშიაძე

## კიკვილი შიშვითა კოხის სანეკბი მუხნეობაში

მკითხველმა როხის სანერგე მურნეობის შესახებ „ჩემი გაზეთის“ მეშვეობით გაიგო. როგორც ვიცით, სოფელ როხში ვაზის სანერგე მურნეობა ჯერ კიდევ 1964 წელს არსებობდა და იმერეთის რეგიონს სანერგე მასალით ამარაგებდა, შემდეგ იგი განადგურდა და 2013 წლის მაისიდან დაიწყო მისი აღდგენა. ამჟამად სანერგეში მიმდინარეობს ვაზის ნერგის მცნობის პროცესი – მიღებულია პირველი შეკვეთა და სანერგე მურნეობამ, დაახლოებით, 120 000 ძირი ცოლიკაურის, ოცხანური საფერეს, ციციქას, კრახუნასა და მაგალობლიშვილის ნერგი უნდა დაუმზადოს შემკვეთს. სანერგესათვის, როგორც უკვე აღვნიშნეთ, ეს დასაწყისია და შემდგომში მეტი შეკვეთის მიღებას ვარაუდობენ.

ამჟამად სანერგე მურნეობას 6 ჰა ფართობი უკავია. მომავალში ტერიტორიის გაფართოება იგეგმება. წინ მიდის საამქროს მშენებლობის საქმე. რაც მთავარია, უკვე გაკეთებულია სასტრატეგიული კამერა – ოთახი, სადაც მცნობის შემდეგ ვაზის ნერგი ორი კვირის განმავლობაში თავსდება, რათა მოხდეს მისი გამოყვანა (I ეტაპი), ხოლო შემდეგ, მზავნე ნერგის შემთხვევაში, ნერგი გადადის სათბურში, სადაც 45–50 დღე დაყოვნდება და უკვე მზად იქნება ღია გრუნტში დასარგავად. ხდება ასეც, ნერგი სასტრატეგიული ოთახიდან გადის ღია გრუნტში, იზრდება ნიადაგში ფოთოლცვენამდე, ამის შემდეგ კი ხდება მისი იქიდან ამოღება და შესაბამის ადგილას გადასვლა.

აღნიშნულ სანერგე მურნეობაში ვაზის ნერგები მყიდველს შეუძლია შეიძინოს შედარებით დაბალ ფასებში. როხის სანერგე მურნეობის საქმიანობამ ხელი უნდა შეუწყოს ბაღდათის მუნიციპალიტეტში მუხნეობის განვითარებას და ის უნდა გახდეს დასავლეთ საქართველოსთვის ერთ-ერთი პირველი ნერგების მიმწოდებელი. წარმატებებს ვუსურვებთ მის მფლობელებსა და მასში დასაქმებულ ყველა პირს ამ დიდ საქმეში.

მარიამ შარვაშიაძე

## წარმატებული ახალგაზრდები

საქართველოში რამდენიმე წელია ამერიკის შეერთებული შტატების საბჭოები ახორციელებენ მომავალ ლიდერთა გაცვლით პროგრამას (FLEX - Future Leaders Exchange Program), რომელიც სრულად ფინანსდება აშშ-ს სახელმწიფო დეპარტამენტის მიერ. FLEX პროგრამის უპირველესი მიზანია, ამ ორი ქვეყნის ახალგაზრდებს შორის გააღრმავოს ურთიერთგაგება, რაც საშუალებას აძლევს ახალგაზრდებს დააკვირდნენ და გამოცდილებულან შეიძლება შეისწავლონ აშშ-ს მთავრობის სისტემა, ამერიკული ცხოვრების სტილი, სამოქალაქო საზოგადოების ჩართულობა, გაეცნონ ამ ქვეყნის კულტურასა და ხალხს, ისწავლონ ამერიკულ სკოლაში და იცხოვრონ ამ ეროვნების მასპინძელ ოჯახთან ერთად ერთი აკადემიური წლის მანძილზე. პროგრამაში მონაწილეობა შეუძლიათ საჯარო სკოლის მოსწავლეებს, ასევე შეზღუდული შესაძლებლობის მქონე ბავშვებს. მონაწილეები ირჩევიან ღია, შედეგებზე ორიენტირებული კონკურსის საფუძველზე, რომელიც ყოველ შემოდგომას ეწყობა. თითოეულ მოსწავლეს, რომელიც აკმაყოფილებს პროგრამის მოთხოვნებს, შეუძლია შესარჩევ ტურებში მონაწილეობის მიღება. კონკურსი შედგება სამი ეტაპისაგან:

1. ინგლისურის მოკლე ტესტი
2. თემები ინგლისურად

3. ინგლისურის სტანდარტული ტესტი, თემები, აპლიკაცია და ინტერვიუ.

მოსწავლეებს წელიწადში მხოლოდ ერთხელ შეუძლიათ კონკურსში მონაწილეობის მიღება.

ჩვენი მუნიციპალიტეტის ახალგაზრდები ყოველწლიურად იღებენ მონაწილეობას აღნიშნულ პროექტში. წელს ბაღდათიდან გაიმარჯვა ორმა მოსწავლემ – ანრი აბულაძემ და თათია ლამბაძემ. ანრი ღიმის №1 საჯარო სკოლის მე-11 კლასის მოსწავლეა, ხოლო თათია ამავე სკოლის მე-10 კლასის მოსწავლე.

ანრიმ და თათიამ გამარჯვებამდე სწორედ ზემოთ აღნიშნული ეტაპები გაიარეს და წელსვე, ზაფხულში, გაემგზავრებიან ამერიკის შეერთებულ შტატებში. ისინი ძალიან აქტიური ბავშვები არიან და სხვა მრავალ პროექტსა და ოლიმპიადებში მონაწილეობენ. მაგალითად, ანრი აბულაძე არის ინგლისური ენის ესეს ნერის კონკურსის (Write on) და დებატების ეროვნული ტურნირის გამარჯვებული. ისინი ასევე აქტიურად არიან ჩართულნი არასამთავრობო ორგანიზაცია World Vision-სა და Youth 2 Georgia-ს საქმიანობაში.

„ჩემი გაზეთის“ გუნდი წარმატებას და კიდევ მრავალი გამარჯვების მოპოვებას უსურვებს ანრისა და თათიას.

ანა შორიაძე

ჩვენი რუბრიკის „ერთი სამსახურის ერთი დღეს“ სტუმარი ამჯერად ა.ა.ი.პ. ბაღდათის კომუნალური გაერთიანებაა. როდესაც აღნიშნულ ორგანიზაციის უფროსს – ბიძინა ჯაბიძეს დავუკავშირდით და ნებართვა ვთხოვეთ, გავცნობოდი მისი სამსახურის ერთ სამუშაო დღეს, ის სიამოვნებით დაგვთანხმდა.

ა.ა.ი.პ. ბაღდათის კომუნალური გაერთიანება მუშაობას დილის 7 საათზე იწყებს. როდესაც მე და ჩემი ოპერატორი აღნიშნულ სამსახურს ვესტუმრეთ, ბატონი ბიძინა თავის თანამშრომლებთან თათბირს მართავდა – იმ დღის სამუშაო გეგმას განიხილავდნენ და სამუშაოს ინაწილებდნენ. კომუნალურ გაერთიანებაში არის შემდეგი სამსახურები: გარე განათებისა და ელექტროგაყვანილობის, დასუფთავების, ინფრასტრუქტურის, სანიტარული არხებისა და მელიორაციის, ასევე ტრანსპორტის სამსახური. თითოეულ მათგანს თავისი ხელმძღვანელი ჰყავს.

გარე განათებისა და ელექტროგაყვანილობის სამსახურს ევალება მუნიციპალიტეტის ტერიტორიაზე არსებული გარე განათების მოწესრიგება და მუნიციპალიტეტის დაქვემდებარებაში არსებული ადმინისტრაციული შენობის ელექტროგაყვანილობის მოწესრიგება.

დასუფთავების სამსახური მუნიციპალიტეტის ტერიტორიას დასუფთავებს. აღნიშნულ სამსახურში მუშაობენ მუშები და მეეზოვეები. მეეზოვეებს გადანაწილებული აქვთ დასასუფთავებელი ობიექტები და დილიდანვე ასრულებენ თავიანთ მოვალეობას, ხოლო მუშები დასუფთავების მანქანებს მიჰყვებიან, რომ დროულად მოხდეს ურნების დაცლა.

ინფრასტრუქტურის სამსახურის მოვალეობაა მუნიციპალიტეტის ტერიტორიაზე არსებული დაზიანებული ობიექტების შეკეთება. მაგ: სკვერებში დასაჯდომი სკამების რეაბილიტაცია, სანაგვე ყუთების შეკეთება და ა.შ.

სანიტარული არხებისა და მელიორაციის სამსახურს ევალება სანიტარული არხებისა და საკანალიზაციო სისტემის მოწესრიგება. ხოლო ტრანსპორტის სამსახური ახორციელებს

## ერთი სამსახურის ერთი დღე

### კომუნალური გაერთიანება

დასუფთავების მანქანების გადაადგილების გრაფიკის შედგენასა და ზედამხედველობას.

კომუნალურ გაერთიანებას სამი ერთეული მანქანა ჰყავს, აქედან ორი (ცხრამეტკუბიანი და ხუთკუბიანი) დასუფთავებას ემსახურება. ბაღდათსა და მის სოფლებში ამჟამად 185 ურნაა, აქედან 15 სანაგვე ყუთი ღვავს კურორტ საირმეში, ხოლო დანარჩენები ქალაქ ბაღდათსა და სოფლებში: ფერსათში, წითელხევში, როხში, ვარციხეში, საიმედოში, დიშში, ოზნაში, დიდველაში, როკითსა და ნერგეთში. ასევე ერთი ურნა განთავსებულია აფხანოურში. როგორც ბატონმა ბიძინამ გვითხრა, წელს კომუნალურ გაერთიანებას დაემატება 100 ურნა და 2 მანქანა.

აღნიშნული სამსახურის თანამშრომლებმა ცოტა ხნის წინ გადაბეღეს მუნიციპალიტეტის ტერიტორიაზე არსებული ხეები. ახლა კი ნაძვებს ათეთრებენ და ამ სამუშაოს აპრილის ბოლოს დაასრულებენ.

რაც ყველაზე მთავარია, ბაღდათის მუნიციპალიტეტის გაგეგმვის მიერ ფინანსური ლიზინგის დახმარებით შეძენილი სამი ერთეული ტექნიკა: გრიდერი, ტრაქტორი და დამტკეპნი ა.ა.ი.პ. ბაღდათის კომუნალური გაერთიანების განკარგულებაშია და მათი გამოყენებით წელსვე უნდა მოხდეს შიდა საუბნო გზების მოწესრიგება. ასევე, საჭიროების შემთხვევაში, გზების განმწმენდა (მაგ: დიდთოვლობისა და მენყერის დროს). ამჟამად საუბნო გზების სარეაბილიტაციო სამუშაოები სოფელ ოზნაში მიმდინარეობს. გათვალისწინებულია წლის ბოლომდე დანარჩენ სოფლებშიც გზების მოწესრიგება.

მარიამ შარვაშიაძე

„ჩემი გაზეთის“ მარტის ნომრის ერთ-ერთ სტატიაში, კერძოდ, „ფერსათის წარსული და აწმყო“ გავიდა დაუზუსტებელი ინფორმაცია, რომელიც ეხებოდა სოფელ ფერსათში მცხოვრებ პოეტ დავით ნოზაძეს. მონოღებული ინფორმაციით, დავით ნოზაძემ ააგო ტაძარი ამავე სოფელში, თუმცა ეს არასწორი აღმოჩნდა. ჩვენ დავუკავშირდით პოეტის შვილი და გვითხრა, რომ დავით ნოზაძე ტაძრის მშენებლობის დროს გარდაცვლილი იყო და, შესაბამისად, მასში მონაწილეობას ვერ მიიღებდა. ხოლო ბატონი დავითის შვილის – თემურ ნოზაძის ამ დიდ საქმეში შეტანილი წვლილის შესახებ გვესაუბრა ტაძრის მშენებლობის ინიციატორი ბატონი პალისტრატა პანინი, რომელსაც სოციალური ქსელის საშუალებით დავუკავშირდით. ის ამჟამად იმყოფება ამერიკის შეერთებულ შტატებში, ქალაქ ჩიკაგოში. გთავაზობთ მასთან ინტერვიუს:

## ფერსათელი მესენატი

– როდის და რატომ გაგიჩნდათ სურვილი ავეგოთ ფერსათში ტაძარი?

– ბავშვობიდან მინდოდა, რომ ფერსათში ტაძარი ყოფილიყო. თუმცა ვერასდროს წარმომედგინა, რომ მის აშენებას მე წამოვინყებდი. ზუსტად ვერ ვიხსენებ, თუ როდის გადავწყვიტე, ამ საქმისთვის საფუძველი ჩამეყარა. დაახლოებით ათი წლის წინ ეს ჩანაფიქრი მეუღლეს გაუზიარე და ამავე დროს დავინყე აქტიური მოქმედებები მისი სისრულეში მოყვანად.

– რა ეტაპები გაიარეთ სანამ მშენებლობას დაიწყებდით?

პირველი ნაბიჯები ეპარქიასთან შეთანხმება, ადგილის შერჩევა და გარკვეული ადმინისტრაციული საკითხების გარკვევა იყო, რამაც სწრაფად და თითქმის უმტკივნეულოდ ჩაიარა, მშენებლობისთვის მზადების ეს ეტაპი მალევე დავასრულეთ. ჩემმა წამოწყებამ დიდი ინტერესი გამოიწვია ეპარქიაშიც და მეუფე ანტონის მხარდაჭერამ მნიშვნელოვანი როლი ითამაშა მშენებლობის დროულად დასრულებაში.

– როდის დაიწყო ტაძრის მშენებლობა და რამდენხანს გაგრძელდა იგი?

– 2006 წლის აღდგომის დღესასწაული იყო, როცა ჩემი ჩანაფიქრი გავაფლერე (თუმცა, როდის დავინყე ამაზე ფიქრი, როგორც ადრე აღვნიშნე, არ მახსოვს). მალევე შეხვედრი მეუფე ანტონის და შევათანხმე საგარეულო ადგილი და სხვა დეტალები. 2-3 თვეში მშენებლობა დაიწყო. წლის ბოლოსთვის მშენებლობა, ექსტერიერის ქვით მოპირკეთება და გადახურვა დასრულებული იყო. შემდეგ შტატებში წავედი 6 თვით და ამ პერიოდში

მშენებლობა შეჩერდა. ჩემი დაბრუნებიდან 2 თვეში შიდა სამუშაოებიც დასრულდა და 2007 წლის 28 აგვისტოს ტაძრის კურთხევა მოხდა. მე ვფიქრობ, მიუხედავად შეფერხებისა, მშენებლობა საკმაოდ სწრაფად დასრულდა.

– ვინ დაგეხმარათ ამ კეთილ საქმეში?

– მშენებლებს დიდ დახმარებას უწევდა ადგილობრივი მოსახლეობა. რაც შეეხება ფინანსურ დახმარებას, მე მიმარჩნდა, რომ, რადგან საქმე ჩემი დაწყებული იყო, მე უნდა მიმეყვანა ბოლომდე, თუმცა რამდენიმე მეგობარმა გამოთქვა სურვილი, ფინანსური მონაწილეობა მიეღოთ ტაძრის მშენებლობაში და საერთო პროექტის დაახლოებით 10% მათ მიერ დაფინანსდა, რაც ძალიან მნიშვნელოვანი დახმარება იყო ჩემთვის. ასევე, ახლახან, ერთმა ადგილობრივმა მოსახლემ – ვალერი ნიქორიძემ გამოთქვა სურვილი ტაძარი მოეხატა, რაც საკმაოდ მაღალ დონეზე შესრულდა. ბატონ თემურ ნოზაძეს დიდი წვლილი მიუძღვის: როცა ტაძრის მშენებლობა დასრულდა და მისასვლელი გზის ვარიანტებზე ვმსჯელობდით, მან გამოთქვა სურვილი, რომ თავისი ეზოს ნაწილი დაეთმო. ამით ტაძრის ეზოს დაგეგმარება მკვეთრად შეიცვალა. ბატონი თემური ასევე გვერდით მედგა ყველა საორგანიზაციო საკითხში. ისიც მინდა აღვნიშნო, რომ შტატებში ყოფნის დროს არსენ მსხვილიძეს ვთხოვე ორგანიზება გაეკეთებინა ტაძრის ეზოს გამწვანებისა და მოწყობისთვის. მან არამარტო ორგანიზება გაუკეთა, არამედ, ფინანსურადაც დიდი წვლილი შეიტანა ამ საქმის განხორციელებაში.

ანა შორიაძე

# ოლიმპიური დღიურები

**21 თებერვალი, 2016 წელი**  
გათენდა.  
დილა ცივი და სუსხიანია. წარბშეკრული ცა დასცქერის დედამიწას.  
რა ძნელია ახლა თბილი სანოლის მიტოვება და სკოლაში წასვლა, მაგრამ უნდა წავიდე. გაკვეთილების შემდეგ ჭადრაკშიც უნდა ვიმეცადინო, კვალიფიკაციის ამაღლებისთვის ვიბრძვი.

დღეს ჩემი დაბადების დღეა, 13 წლის გავხდი. ძალიან მინდა, დღეს სულ ათიანები მივიღო და ყველა საჭადრაკო პარტია მოგებით დავასრულო...

კი არ მივდივარ, მივფრინავ. არ მიყვარს გაკვეთილებზე დაგვიანება. გვერდით სწრაფად ჩამიქროლა ავტომანქანამ, წყლის წვეთები და მუსიკის ჰანგები ერთდროულად შემომაფრქვია: „ო, რიო, რიო, რიო დე-ჟანეირო“.

გამახსენდა, სერგო მასწავლებელმა გვითხრა, რომ შორეულ ბრაზილიაში წელს გაიმართება ოლიმპიური თამაშები. რიო დე-ჟანეიროსაკენ არის მიყრობილი მთელი მსოფლიოს მილიონობით სპორტის მოყვარულის გული, სული და მხერა. მის თავზე აღმართული ქრისტეს გრანდიოზული ქანდაკება გახდება მონზე დიდი, სპორტული დღესასწაულის.

**29 თებერვალი, 2016 წელი**  
ამ ცამეტი წლის მანძილზე ეს მე-4 ოლიმპიადია იქნება. წინა ოლიმპიადები, რასაკვირველია, არ მახსოვს. ამ სპორტული დღესასწაულის შესახებ ჭადრაკის მწვრთნელმა სერგო აკიმეევმა გვიამბო. რამდენი საინტერესო ამბავი ხდება თურმე ოლიმპიადებზე. თვით მისი დაარსებისა და განვითარების ისტორიაც არანაკლებ საინტერესოა.

**2 მარტი, 2016 წელი**  
ისტორიიდან მახსოვს, ოლიმპიადა ალექსანდრე მაკედონელის დედას ერქვა...

დიდი ხნის წინათ კი, საბერძნეთში იყო ქალაქი, რომელსაც ოლიმპია ერქვა. ოლიმპიაში იკრიბებოდნენ სპორტსმენები და ერთმანეთს ეჯიბრებოდნენ სირბილში, სიგრძეზე ხტომაში, ჭიდაობაში, კრიგა და შუბის ტყორცნაში. შეჯიბრება 4 წელიწადში ერთხელ იმართებოდა და ოლიმპიადა ერქვა. ოლიმპიადა ოთხ წელიწადში ერთხელ ახლაც იმართება, მაგრამ მას სხვადასხვა ქვეყნის დიდი ქალაქები მასპინძლობენ.

ოლიმპიურ თამაშებში მსოფლიოს ყველა ქვეყნის სპორტსმენები ერთად მონაწილეობენ. გამარჯვებული სპორტსმენების საპატივსაცემოდ, დაჯილდოების დროს, მისი ქვეყნის დროშას აღმართავენ ხოლმე და ჰიმნსაც უკრავენ.

**5 მარტი, 2016 წელი**  
ძალიან ბევრს ვფიქრობ და უფრო მეტად ვრწმუნდები, რომ კაცობრიობის ისტორიაში ოლიმპიური თამაშების დაფუძნება უდიდესი მონაპოვარია.

ჩემი აზრით, ოლიმპიადა გამოავლენს არამარტო ფიზიკურად და სულიერად უძლიერეს ადამიანებს, ამეგობრებს მსოფლიოს სხვადასხვა ხალხს. დამარცხებული მეტოქე გულითადად ართმევს ხელს გამარჯვებულს.

**11 მარტი, 2016 წელი**  
ჩვენმა ბიბლიოთეკამ საჩუქრად მიიღო ოლიმპიური თამაშების ამსახველი უახლესი ლიტერატურა. მე და ჩემი მეგობრები ინტერესით ვეცნობოდით ყველაფერს. მერე თანაკლასელებს მოვუყვით და ისინიც მამინევი გაცვივდნენ ბიბლიოთეკაში.

- 14 მარტი, 2016 წელი**  
დღეს შევადგინე ოლიმპიადის დღიური:
1. დაბადების დრო - ანტიკური ხანა.
  2. დაბადების ადგილი - საბერძნეთი, ქალაქი ოლიმპია.
  3. ეროვნება - ინტერნაციონალური.
  4. პარტიულობა - უპარტიო.
  5. ჰობი - მშვიდობის დაცვა მსოფლიოში.
  6. ძირითადი საქმიანობა - სპორტული რეკორდების დამყარება.
  7. სპეციალური პრივილეგია - უვიზო გადაადგილება.
  8. ძირითადი ატრიბუტები: ოლიმპიური ჩირაღდანი, ხუთგოლიანი ფერადი ემბლემა, დაფნის გვირგვინი, ოქროს, ვერცხლის და ბრინჯაოს მედალები.

**22 მარტი, 2016 წელი**  
დღეს გულნაზი მასწავლებელმა ფიზიკის საკონტროლო წერაში ათიანი დამინერა. ზედზედ სამი პარტია მოვიგე ჭადრაკში, მაგრამ ჩამშხამდა სიხარული. თავზარდამცემი ინფორმაცია გავრცელდა ტელევიზიით. ბელგიაში ტერაქტი მოხდა, უდანაშაულო ადამიანები დაიღუპნენ. შიშისაგან გული შემეკუმშა, ხომ შეიძლება იმ არაკაცებმა ოლიმპიადა ჩაშალონ. ღმერთო, დაგვიფარე! ალბათ, ტერაქტების საშიშროების გამო, რიო დე-ჟანეიროს ოლიმპიადა ვერ ჩატარდება ბრაზილიელებსათვის დამახასიათებელი ზარ-ზეიმით და პომპეზულობით. მაგრამ დარწმუნებული ვარ, ოლიმპიადის ჩატარება მსოფლიოს გამარჯვება იქნება ტერორიზმზე.

**25 მარტი, 2016 წელი**  
ისევ ოლიმპიადებზე და მოსალოდნელ შედეგებზე ვფიქრობ...

„ოლიმპიური ჩემპიონი ვარ!“ - მხოლოდ ერთეულებს ხვდება წილად ამ საამაყო სიტყვების წარმოთქმა. მხოლოდ ბედნიერ ვარსკვლავზე დაბადებული სპორტსმენები ატარებენ ოლიმპიური ჩემპიონის ტიტულს...

„ო, რიო, რიო, რიო დე-ჟანეირო“, ნეტავ ვიცოდებ, რა სიურპრიზებს გვიმზადებ!

**26 მარტი, 2016 წელი**  
დღეს სერგო მასწავლებელმა შემაქო, ეს შენი საუკეთესო პარტია იყო. მე კი ისევ ოლიმპიადებზე ვფიქრობ და ვნატობ, ოლიმპიადებზე უფრო მეტმა ქათველმა სპორტსმენმა გაიმარჯვოს, უფრო ხშირად აღმართონ ქართული დროშა და დაუკრან საქართველოს ჰიმნი.

**მანანა ხეცურიანი, ბალდათის მუნიციპალიტეტის №1 საჯარო სკოლა, მე-7 კლასის მოსწავლე. სპორტული სკოლის მოჭადრაკე. 18 აპრილი, 2016 წელი**

„ჩემი გაზეთის“ გუნდი ბალდათის „საირმეს“ მწვრთნელს – სოსო ქორიძეს გაესაუბრა გუნდის ახალი შემადგენლობისა და რეგიონული ლიგის თამაშზე მათი ასპარეზობის შესახებ.

## „საირმე“ „სოლოტის“ მძლავრდინში

– გაიარა თუ არა გუნდმა მეორე წრისთვის მოსამზადებელი პერიოდი და სად?

– მოსამზადებელი პერიოდი გავიარეთ ბალდათში, რადგან საშუალება არ გვქონდა სხვაგან ჩატარების, მაგრამ გავიარეთ ნორმალურად და ბიჭებიც კარგ ფორმაში არიან.

– რა ცვლილებები მოხდა გუნდში. რამდენმა ფეხბურთელმა დატოვა და რამდენი ახალი სახეა. გვიამბეთ დამატებული ფეხბურთელების შესახებ, როგორც ვიცით, რამდენიმე უმაღლეს ლიგაშიც თამაშობდა.

– გუნდი ხუთმა ფეხბურთელმა დატოვა და ამავე რაოდენობით შეივსო. დავიმატეთ ძალიან კარგი თავდამსხმელი ზაურ ხაჭიპერაძე, რომელიც „ტორპედოდან“ მოვიდა. ასევე დავიმატეთ გვეტაძე, ტორაძე ხარაგაულიდან და საერთო ჯამში, კარგი ფეხბურთელებით დაავიწმულეთ და კმაყოფილება ვართ.

– 26 აპრილს პრინციპული და გადამწყვეტი თამაშია ვანის „სულორთან“. როგორია თქვენი და ფეხბურთელების მოლოდინი და განწყობა?

– 26 აპრილს ნამდვილად გადამწყვეტი თამაში გვაქვს. რაც შეეხება ფეხბურთელების განწყობას, საბრძოლოა, ტრავმირებული არცერთი არ არის, ისინი ემზადებიან ისე,

როგორც არასდროს, რადგან იციან, რომ გამარჯვებული პირველ ლიგაში მოხვდება. ბიჭებმა ისიც თქვეს, რომ არანაირ პრემიას ავიღებთ, მთავარია მოვიგოთო. ჩემი აზრით კი მანსები 50-50%-ზეა.

– რას ეტყვიტ გულშემატკივრებს და გვაქვს თუ არა პირველ ლიგაში გადასვლის რეალური შანსი?

– გულშემატკივრებს ვეტყვი იმას, რომ, თუ სურთ ჩვენი გამარჯვება, წამოვიდნენ და უქონდნენ „საირმეს“, რადგან ვანში უამრავი გულშემატკივარი ეყოლება „სულორს“. ბალდათელთა გულშემატკივრობა სტიმულის მომცემი იქნება ჩვენი ბიჭებისათვის. ჩვენს გუნდის დიდი მხარდამჭერია ბალდათის მუნიციპალიტეტის გამგებელი - ირაკლი გეგეშიძე და შპს „აგრო ჰოლდინგის“ დირექტორი - ირაკლი ნერგაძე. ჩვენ თავს არ დავზოგავთ იმისათვის, რომ პირველ ლიგაში მოვხვდეთ, რაც ყველა სიკეთესთან ერთად ფინანსურ მოგებასაც მოუტანს გუნდს.

ასე რომ, ვეცდებით, დარწმინდი თამაშები წარმატებით დავასრულოთ და გავამართლოთ ბალდათელთა იმედები და მოლოდინები.

დავით ყიფიანი

## კულტურის ქრონიკა

8 აპრილს ბალდათის მუნიციპალიტეტის სოფელ როკითის საჯარო სკოლაში გაიმართა შეხვედრა მწერალ ცირა ყურაშვილთან. სკოლა აქტიურად მონაწილეობს კულტურულ ღონისძიებებში და ეს საღამოც ერთ-ერთი ასეთი გამორჩეული და სითბოთი სავსე გახლდათ. საღამოზე მწერალთან შესახვედრად თავი მოიყარეს მოსწავლეებმა, პედაგოგებმა, ბალდათის გამგეობის წარმომადგენლებმა, სოფლის მშრომლებმა, სასულიერო პირებმა... მწერალმა შეკრებილ აუდიტორიას გააცნო თავისი პროზისა და პოეზიის კრებული. წაიკითხა ნაწარმოებები, რომლებიც აფხაზეთში მონაწილეობდა ალტერნატიული მისი-მღვდელმონაზონ მამა ანდრია ყურაშვილის ხსოვნას ეძღვნება. ისაუბრა მამა ანდრიას ბავშვობის, ასევე აფხაზეთის, კომანის ტრაგედიის შესახებ. აღნიშნა, რომ სწორედ ამ რამდენიმე დღის წინ მამა ანდრიას შეუსრულდა დაბადებიდან 50 წლისთავი, დიდია საზოგადოებისა და განსაკუთრებით მოსწავლე-ახალგაზრდობის ინტერესი მისი პიროვნებისადმი, რაც კიდევ ერთი იმპულსი გახდა მისთვის, რათა საზოგადოებას უფრო ახლოს გააცნოს მღვდელ-მონაზონ ანდრია ყურაშვილის ცხოვრება და მონაწილეობა მთარგმნელმა კოტე კიკნაძემ აუდიტორიას შორენა ლებანიძის დოკუმენტური რომანის „მანანა ანუ, ტყვეობის ორმოცდათორმეტი დღე“ შესახებ ესაუბრა, რომლის წარდგენაც ვლადიმერ მიაიკოვსკის სახლ-მუზეუმში ასევე ცოტა ხნის წინ მოეწყო. ითქვა, რომ მწერალთა ეს ნიგნები კომანში ალტერნატიულ მღვდელ-მონაზონ ანდრიას პიროვნებასა, თუ ღვაწლზე სხვა გამოცემებთან, დადგმულ სექტაკლსა და ფილმის სცენარებთან ერთად ხელს უწყობენ საზოგადოების მეტ ინფორმირებას, სწორ ფასეულობათა დამკვიდრებას, ამასთანავე

კულტურულ-ესთეტიკური გემოვნების ჩამოყალიბებას. საღამომი მონაწილეობდნენ სკოლის უფროსკლასელები და მონვეული სტუმრები, სოფლის მკვიდრნი, ბალდათის გამგეობის წარმომადგენლები.

\*\*\*

14 აპრილს, ბალდათში, მიაიკოვსკის სახლ-მუზეუმში, საქართველოს სახელმწიფო ენის დღე და პოეტის გარდაცვალების 86 წელი აღინიშნა. მუზეუმის სამეცნიერო-შემოქმედებითმა ჯგუფმა ამ დღის აღსანიშნავად დამსწრე საზოგადოებას პოეტის უცნობი ლირიკული შედევრების ქართული თარგმანები წარუდგინა, რომლებიც თარგმნილი და შესრულებულია პოეტ ზაალ ებანიძისა და კოტე კიკნაძის მიერ. როგორც პოეტის ახლახან გარდაცვლილი ქალიშვილი პატრისია ტომპსონის თავის ნიგნში „მიაიკოვსკი მანკეტენზე“ – წერდა, პოეტს არასდროს დავიწყებია ენა, რომლითაც ლაპარაკი დაიწყო – ქართული ენა. სწორედ მის ერთ-ერთ მშობლიურ და უსაყვარლეს ენაზე შესრულდა მისი შესანიშნავი ლექსების თარგმანები. საღამომი მონაწილეობდნენ ბექა კუჭუხიძე, კოტე კიკნაძე, ცირა ყურაშვილი, ნუგზარ კუჭუხიძე. ვლადიმერ მიაიკოვსკის სახლ-მუზეუმს ღონისძიების მსვლელობისას ესტუმრნენ ტურისტები პეტერბურგიდან. მათ დაათვალიერეს მუზეუმი და დაესწრნენ აღნიშნულ საღამოს, რომელიც მათ პატივსაცემად რუსულ ენაზე გაგრძელდა. ტურისტების თხოვნით, ბალდათის მუნიციპალიტეტის გამგებელმა – ირაკლი გეგეშიძემ ქართულად წაიკითხა ნაწყვეტი მწერლის ერთ-ერთი პოემიდან, ამ კითხვის მიზანი იყო სტუმრებს მოესმინათ, თუ როგორ უღერს ვლადიმერ მიაიკოვსკის ლირიკა ჩვენს ენაზე.

## გოგონათა ფიზნის, ჯანმრთელობისა და კალათბურთის ზრუნვა

გოგონათა კალათბურთის ლიგის შექმნის იდეა წამოვიდა ბალდათის №2 საჯარო სკოლის გოგონებისგან, რომელსაც მხარი დაუჭირა მშვიდობის კორპუსის მოხალისემ – არი ჰაიერსმა. რადგან ჩვენ გავლილი გვქონდა პროექტების დიზაინისა და მენეჯმენტის ტრენინგი, გადავწყვიტეთ, დაგვეწერა გრანტი და ამ პროექტისათვის ფრთები შეგვესხა.

პროექტი დაგვიფინანსა აშშ-ს მთავრობამ. ბალდათის საგანმანათლებლო რესურსცენტრის ხელმძღვანელმა – ნინო მშვილდაძემ და ამავე ცენტრის უფროსმა სპეციალისტმა – ვანო ჟორჟოლიანმა მოგვიწყვეს სპორტის მასწავლებლებთან შეხვედრა. ჩვენ გავაცანით მათ ჩვენი პროექტი. მიუხედავად იმისა, რომ ცოტა ეჭვის თვალით შეხედეს ამ პროექტის განხორციელებას,

მხარდაჭერა მაინც გამოგვიცხადეს. მუნიციპალიტეტში შეიქმნა გოგონათა 9 გუნდი (14-16 წლის), რომლებსაც ავარჯიშებდნენ სპორტის მასწავლებლები, შემდგომში უკვე მწვრთნელები.

16-17 აპრილს ბალდათის ახალგაზრდულ ცენტრში ჩავატარეთ ფიტნესის, ჯანმრთელობისა და კალათბურთის ტრენინგი, სადაც მონაწილე იყვნენ მუნიციპალიტეტის გამგეობა, საკრებულო, კულტურის, სპორტისა და ახალგაზრდულ საქმეთა სამსახური; აგრეთვე ორგანიზაცია „სპორტი ყველასთვის“ პრეზიდენტი, ოლიმპიური თამაშების ბრინჯაოს მედალოსანი – ქალბატონი მია აზარაშვილი, იმერეთის ოლიმპიური კომიტეტის თავმჯდომარე – რეზო რობაქიძე, იმერეთის კალათბურთის ფედერაციის პრეზიდენტი

– მამუკა ჩიხლაძე. მონაწილე გოგონებს ტრენინგი ჩაუტარეს ქალბატონმა მია აზარაშვილმა, ამერიკის მშვიდობის კორპუსის მოხალისეებმა, რომლებიც ჩამოვიდნენ საქართველოს სხვადასხვა კუთხიდან. ქალბატონმა მია დენოსაშვილმა მათ გააცნო ჯანმრთელი კვების აუცილებლობა. კალათბურთის სპეციალისტმა, დოქტორმა მიაკლ ჰაფმა მწვრთნელებს ჩაუტარა ტრენინგი კალათბურთის წესების შესახებ. ტრენინგის ბოლოს გუნდებსა და მსაჯებს გადაეცათ კალათბურთის ფორმები. ასევე ბატონებმა რეზო რობაქიძემ და მამუკა ჩიხლაძემ მწვრთნელებს საჩუქრად გადასცეს ნიგნები.

17 აპრილს ბალდათის №2 საჯარო სკოლის სპორტის დარბაზში ჩატარდა ტრენინგის პრაქტიკული ნაწილი, სადაც გოგონებს

მშვიდობის კორპუსის მოხალისეებმა მიაკლ ჰაფმა, ელიზაბეთმა, საფიმ, ტომმა, კოლტონმა და არიმ ასწავლეს კალათბურთის თამაშის სტრატეგიები, ბურთის გადაწოდება, დრიბლინგი, კალათში ბურთის ჩაგდება და სხვა. მწვრთნელებსა და მსაჯებს გააცნეს თავიანთი მოვალეობები. წერთნებს ესწრებოდა ჩვენი მუნიციპალიტეტის გამგებელი – ბატონი ირაკლი გეგეშიძე, რომელიც აქტიურად იყო ჩართული ვარჯიშის პროცესში.

გვინდა, ყველას დიდი მადლობა გადავუხადოთ, ვინც დაგვეხმარა ამ ტრენინგის წარმატებით ჩატარებაში.

გოგონათა კალათბურთის ლიგის პირველი თამაში გაიმართება 23 აპრილს ბალდათის №2 საჯარო სკოლის სპორტის დარბაზში.

მანანა კაპატიშვილი

ბალდათის მუნიციპალიტეტის ა.(ა.)ი.პ. ინფორმაციის, ეთნოკულტურისა და ტურიზმის განვითარების ფონდი საქართველო, ბალდათი, რუსთაველის ქ. №68  
ტელ: 595 538 536; 595 452 803  
ელ ფოსტა: sainformacioturizmi@gmail.com

რედაქტორი სოსო ჯორჯიანი  
„ჩემი გზების“ გუნდი:  
ანა ქორიძე, მარიამ ოქროჭელიძე, ანა ავალიანი, ანეელინა ჭავჭავანიძე, ანა ფხალაძე

გაზეთი დაკავალდა  
ი/მ მამუკა ჭოლაძის მიერ  
დაიბეჭდა  
მ.პ.ს. „ქოლორი“